



Da la suprastanza cumünela

Dumandas da fabrica

La suprastanza ho concess seguaint permiss da fabrica:

- Somvih 27, parcella nr. 11, S-chanf, novas portas da garascha e müdamaint dal terrain davaunt l'entredgia.

Rendaquint segunda lectüra

La suprastanza cumünela piglia cugnuschentscha da la versiun definitiva dal rendaquint da l'an 2017. Il quint serra giò cun entredgias da fr. 10'303'442.16 e cun expensas da fr. 10'120'118.14 cun ün guadagn da fr. 183'324.02. Que sun fr. 123'519.02 dapü scu büdscheto. Il rendaquint vegn suottamiss a la radunanaza cumünela ils 20 gün 2018.

Convegna lingia d'ova traunter S-chanf e Zuoz segunda lectüra

Las vschinaunchas da S-chanf e Zuoz installeschan insembel la lingia d'ova potabla i'l s-chef da la Swissgrid traunter Bügls e Curtinellas. L'import d'investiziuns da fr. 250'000.00 es gnieu ade-rieu cul plan d'investiziun da la radunanza cumünela ils 13 december 2017.

Resguardant il uorden federel sur la sgüreda dal provedimaint d'ova potabla in situaziuns d'urgenza vegn l'utilisaziun da l'ova reglo in üna convegno traunter las duos vschinaunchas. La suprastanza cumünela ho tratto in üna segunda lectüra la convegno e decis da suottametter quella a la radunanza cumünela ils 20 gün 2018.

Proget lingia d'ova Punt'Ota

Causa cha`l Udcb dal chantun grischun renovescha la via chantunela e müda la lingia da la via chantunela traunter Tegia – Cha d`Albert (Cinuos-chel) es da spuster las lingias cumünelas aint in quel perimeter. Il proget es gnieu fat bun cul plan d`investiziuns 2018 tres la radunanza cumünela (refacziun lingia d`ova Punt Ota 1.Etappa). il credit bsögniaivel sur da fr. 77'000.00 per üna prüma part cun diversas resalvas. La lavuor vegn fatta da la firma Costa tenor ils predschs fat gio per la fabrica dal chantun.

Proget lingia da forz'electricica Cinuos-chel

I'd es previs in futur da spuster la lingia da forz'electricica tenor annunzcha da la Repower traunter Cinuos-chel e Punt Ota suot terra. Cun que cha stu gnir refatt üna granda part da la costa tres l'Udcb sur la via chantunela a Cinuos-chel inua chi'd es planiso la lingia, füss que adatto da lascher fer il listess mumaint las lavuors d'impressari aint in quel sector per la lingia dal bloc da forza. Tenor il preventiv dal büro d'indschegner Caprez s'amuntan ils cuosts per fer quistas lavuors sün fr. 52'000.00 incl. isp. L'import es previs aint illas investiziuns dal "conzept da la rait electrica 2020" cha la votaziun a l'urna dals 4 marz 2018 ho aderida. La suprastanza cumünela decida unanimamaing da deliberer il credit da fr. 52'000.- per fer quistas lavuors. La lavuor vegn fatta da la firma Costa tenor ils predschs fat gio per la fabrica dal chantun.

Cumprita da terrain da fabrica a Chapella

Linard Luzi ho inoltro üna dumanda da cumprita per la parcella nr. 825 a Chapella. Linard Luzi accumulyscha tuot las prescripziuns per pudair cumprir il terrain. La suprastanza cumünela decida unanimamaing d'adeir la cumprita da terrain per la parcella nr. 825 a Chapella suot las resalvas scu i'l reglamaint descrit. La dumanda da cumprita vegn suottamissa a la radunanza cumünela dals 20 gün 2018.